

...Šta je dova? Njen značaj i njeno značenje

<"xml encoding="UTF-8?">

Dove

Dova ili molitva predstavlja izravno obraćanje čovjeka svom Stvoritelju. U vjerskim učenjima je dat poseban značaj pitanju dove do te mjere da se u hadisu kaže da je dova srž ibadeta. Kroz dovu čovjek izražava sve svoje potrebe iznosi probleme i traži rješenja od apsolutno Savršenog i zato je ona jedna od najuzvišenijih položaja koje čovjek može imati. Na taj način se čovjek uzdiže i ostvaruje kontakt sa višim svijetom. Previdimo li naknadu i nagradu koja postoji za dovu i previdimo li učinak uslišenosti koji se javlja kod dove, ukoliko ona pređe granicu pukog verbalnog izgovora, ukoliko srce bude usklađeno sa jezikom, a duša čovjekova ustreptjela imat će jednu izuzetno uzvišenu produhovljenost, sličnu kao kada čovjek sebe vidi utopljenim u svjetlost. Čovjek kada traži od nekog mimo Boga osjeća niskost, a kada traži od Boga osjeća čast i dostojanstvo. Zato je dova i traženje i traženo, i sredstvo i cilj i uvod i ishod. Evlijama Božijim nije bilo ništa ugodnije od dove. Sve molbe i želje svoga srca su povjeravali svom zbiljskom Voljenom.